



列傳第一

南史十一

李

延壽

后妃上

宋孝穆趙皇后

孝懿蕭皇后

武敬臧皇后

武張夫人

文章胡太后

少帝司馬皇后

文元袁皇后

潘淑妃

孝武昭路太后

明宣沈太后

孝武文穆王皇后

宣貴妃

前廢帝何皇后

明恭王皇后

後廢帝陳太妃

後廢帝江皇后

順陳太妃

順謝皇后

齊宣孝陳皇后

高昭劉皇后

武穆裴皇后

文安王皇后

鬱林王何妃

海陵王王妃

明敬劉皇后

東昏褚皇后

和王皇后

六宮位號前史代有不同晉武帝采漢魏之制置貴嬪夫人貴人長為三夫人位視三公淑妃淑媛淑儀脩華脩容脩儀婕妤容華充華身為九嬪位視九卿其餘有美人才人中才人爵視千石以宋武帝省二才人其餘仍用舊

制安不貴嬪魏文帝所

夫人魏武初建魏國所制貴人

光武所制淑妃魏明

制淑媛魏文帝所制淑儀脩華

晉武帝所制脩容魏

立所制脩儀魏明帝所制婕妤容

華前漢舊號充華晉

帝所制美人漢光武所制及孝武

孝建三年省夫人置

妃位比相國進貴嬪比丞相貴人

比三司以為三夫人又置昭儀昭容昭華以代脩華脩儀

脩容又置中才人充衣以為散位案昭儀漢元帝所制昭

容孝武所制昭華魏明帝所制中才人晉武帝所制充衣

前漢舊制及明帝泰始二年省淑妃昭華中才人充衣復

置脩華脩儀脩容才人良人三年又省貴人置貴姬以備

三夫人之數又置昭華增淑容承徽列榮以淑媛淑儀淑容昭華昭儀昭容脩華脩儀脩容為九嬪婕妤容華充華承徽列榮凡五職亞九嬪美人才人良人三職為散役其後帝留心後房擬百官置內職焉及齊高帝建元元年有司奏置貴嬪夫人貴人為三夫人脩華脩儀脩容淑妃淑媛淑儀婕妤容華充華為九嬪美人才人才人為散職三年太子宮置三內職良娣比開國侯保林比五等侯才人比駙馬都尉及永明元年有司奏貴妃淑妃竝加金章紫綬佩于寘玉淑妃舊擬九嬪以淑為溫恭之稱妃為亞后之名進同貴妃以比三司夫人之號不殊蕃國降淑媛以比九卿七年復置昭容位在九嬪焉梁武撥亂反正深鑒奢逸配德早終長秋曠位定令制貴妃貴嬪貴姬為三夫人淑媛淑儀淑容昭華昭儀昭容脩華脩儀脩容為九嬪婕妤容華充華承徽列榮為五職美人才人良人為三職東宮置良娣保林為二職及簡文元帝出自儲蕃或迫在於繫或逼於寇亂且妃竝先祖更不建椒闈陳武光膺天歷以朴素自居故後宮負位其數多闕文帝天嘉之後詔宮職備負其所制立無改梁舊編之令文以為後法然帝性恭儉而嬪嬙不備宣帝後主無所改作今摠綴緝以立此篇云

宋孝穆趙皇后諱安宗下邳僮人也父裔平原太守后以  
晉穆帝升平四年嬪于孝皇帝以產武帝殂于丹徒官舍  
葬晉陵丹徒縣東鄉諫壁里雩山宋初追崇號謚陵曰興  
寧永初二年有司奏追贈裔光祿大夫加金章紫綬裔命  
婦孫氏封豫章郡建昌縣君其年又追封裔臨賀縣侯裔  
子倫之自有傳

孝懿蕭皇后諱文壽蘭陵人也父卓字子略洮陽令后為  
孝皇帝繼室生長沙景王道憐臨川烈武王道規義熙七  
年拜豫章公太夫人武帝為宋公宋王又加太妃太后之  
號帝踐祚尊曰皇太后居宣訓宮上以恭孝為行奉太后

素謹及即大位春秋已高每旦朝太后未嘗失時刻少帝  
即位加崇曰太皇太后景平元年崩于顯陽殿年八十一  
遺令漢世帝后陵皆異處今可於塋域之內別為一壙一  
遵往式乃開別壙與興寧台墳初武帝微時貧約過甚孝  
皇之殂葬禮多闕帝遺旨太后百歲後不須祔葬至是故  
稱后遺令云卓初與趙裔俱贈金紫光祿大夫又追封封  
陽縣侯妻下邳趙氏封吳郡壽昌縣君卓子源之襲爵源  
之見子思話傳

武敬臧皇后諱愛親東莞人也祖汪尚書郎父雋郡功曹  
后適武帝生會稽宣長公主興弟帝以儉正率下后恭謹

不違義熙四年正月甲子殂於東城故贈豫章公夫人還葬丹徒帝臨崩遺詔留葬建鄴於是備法駕迎梓宮祔葬初寧陵宋初追贈雋金紫光祿大夫妻高密叔孫氏遷陵永平鄉君雋子燾燾竝自有傳

武帝張夫人諱闕不知何許人也生少帝及義興恭長公主惠媛永初元年拜夫人少帝即位有司奏上尊號為皇太后宮曰永樂少帝廢太后還璽紱隨居吳郡文帝元嘉元年拜營陽國太妃二年薨

文章胡太后諱道女淮南人也義熙初武帝所納文帝生五年被譴賜死葬丹徒武帝踐祚追贈婕妤文帝即位方

司奏上尊號曰草皇太后陵曰熙寧立廟建鄴

少帝司馬皇后諱茂英晉恭帝女也初封海鹽公主少帝以公子尚焉宋初拜皇太子妃少帝即位 皇后元嘉元年降為營陽王妃又為南豐王太妃十六年薨

文元袁皇后諱齊媯陳郡陽夏人左光祿大夫湛之庶女也母本卑賤后年五六歲方見舉後適文帝初拜宜都王娘子子劭東陽獻公主英娥上待后恩禮甚篤袁氏貧薄后每就上求錢帛以贍之上性儉所得不過五三萬五三匹後潘淑妃有寵愛傾後宮咸言所求無不得后聞之未知信否乃因潘求三十萬錢與家以觀上意宿昔便得

因此恚恨稱疾不復見上遂憤恚成疾元嘉十七年疾篤上執手流涕問所欲言右視上良久乃引被覆面崩于顯陽殿上甚悼痛之詔前永嘉太守顏延之為哀策文甚麗及奏上自益撫存悼亡感今懷昔八字以致意焉有司奏謚宣皇后詔謚曰元初右生劭自詳視之使馳白帝此兒形貌異常必破國亡家不可舉便欲殺之文帝狼狽至右殿戶外手撥幔禁之乃止右亡後常有小小靈應明帝所生沈美人嘗以非罪見責應賜死從右昔所住徽音殿前度此殿有五間自右崩後常閉美人至殿前流涕大言曰今日無罪就死先后若有靈當知之殿戶應聲豁然開職

掌者遽白文帝驚往視之美人乃得釋大明五年孝武乃詔追右之所生外祖親王夫人為豫章郡新淦平樂鄉君又詔趙蕭臧光祿表敬公平樂鄉君墓先不給坐戶各給蠻戶三以供灑掃后父湛之自有傳

潘淑妃者本以貌進始未見賞帝好乘羊車經諸房淑妃每莊飾褰帷以候并密令左右以鹹水灑地帝每至戶羊輒舐地不去帝曰羊乃為汝徘徊況於人乎於此愛傾後宮孝武昭路太后諱惠男丹楊建康人也以色貌選入後宮生孝武帝拜為淑媛及年長無寵常隨孝武出蕃孝武即位有司奏奉尊號曰太后宮曰崇憲太后居顯陽殿上於

閨房之內禮敬甚寡有所御幸或留止太后房內故人間咸有醜聲宮掖事秘亦莫能辨也孝建二年追贈太后父興之散騎常侍興之妻餘杭縣廣昌鄉君大明四年太后弟子撫軍參軍瓊之上表自陳有司承旨奏贈瓊之父道慶給事中瓊之及弟休之茂之竝居顯職太后頗豫政事賜與瓊之等財物家累千金居處器服與帝子相伴大明五年太后隨上巡南豫州妃主以下竝從廢帝立號太皇太后明帝踐祚號崇憲太后初明帝少失所生為太后所攝養撫愛甚篤及即位供奉禮儀不異舊日有司奏宜別居外宮詔欲親奉晨昏盡懼閨禁不如所奏及聞義嘉難

作太后心幸之延上飲酒置毒以進侍者引上衣上寤起以其卮上壽是日太后崩秘之喪事如禮遷殯東宮題曰崇憲宮又詔述太后恩慈特齋泉三月以申追遠謚曰昭皇太后葬孝武陵東南號曰脩寧陵先是晉安王子勛未平巫者謂宜開昭太后陵毀去梓宮以厭勝脩復倉卒不得如禮上性忌慮將來致災泰始四年夏詔有司曰崇憲昭太后脩寧陵地大明之世久所考卜前歲遭諸蕃之難禮從權宜未暇營改而塋隧之所山原卑陋可式遵舊典以禮改創有司奏請脩寧陵玄宮補葺毀壞權施油殿暫出梓宮事畢即定詔可廢帝景和之又追贈興之侍中金



紫光祿大夫謚曰孝侯道慶光祿大夫關府儀同三司謚曰敬侯道慶女爲皇后以休之爲侍中

明宣沈太后諱容姬不知何許人也爲文帝美人主明帝拜婕妤元嘉三十年卒葬建康之莫府山孝武即位追贈湘東國太妃明帝即位有司奏上尊號爲皇太后謚曰宣陵號崇寧

孝武文穆王自皇后諱憲娘琅邪臨沂人也元嘉二十年拜武陵王妃生廢帝豫章王子尚山陰公主楚玉臨淮康哀公主楚佩皇女楚琇康樂公主脩明孝武在蕃后甚寵異及即位爲皇后焉大明四年后率六宮躬桑于西郊皇太

后觀禮妃主以下竝加班錫廢帝即位尊曰皇太后官曰永訓其年崩于含章殿祔葬景寧陵父偃別有傳

殷淑儀南郡王義宣女也麗色巧笑義宣敗後帝密取之寵冠後宮假姓殷氏左右宣泄者多死故當時莫知所出及薨帝常思見之遂爲通替棺欲見輒引替覩屍如此積日形色不異追贈貴妃謚曰宣及葬給輜輶車虎賁班劍鑾輅九旒黃屋左纛前後部羽葆鼓吹上自於南掖門臨過喪車悲不自勝左右莫不掩泣上痛愛不已精神罔罔頗廢政事每寢先於靈牀酌奠酒飲之旣而慟哭不能自反又諷有司奏曰據春秋仲子非魯惠公元嫡尚得考別

宮今貴妃蓋天秩之崇班理應創新乃立別廟於都下時  
有巫者能見鬼說帝言貴妃可致帝大喜今召之有少頃  
果於帷中見形如平生帝欲與之言默然不對將執手奄  
然便歇帝尤哽恨於是擬李夫人賦以寄意焉謝莊作哀  
策文奏之帝卧覽讀起坐流涕曰不謂當今復有此才都  
下傳寫紙墨爲之貴或云貴妃是殷琰家人入義宣家義  
宣敗入宮云

前廢帝何皇后諱令婉廬江潯人也孝建二年納爲皇太  
子妃大明五年薨于東宮徽光殿謚曰獻妃廢帝即位追  
崇曰獻皇后明帝踐祚遷后與廢帝合葬龍山北后父瑒

字幼玉晉尚書左僕射澄曾孫也瑒尚武帝少女豫康長  
公主諱次男公主先適徐喬美容色聰敏有智數文帝世  
禮待特隆瑒豪競於時與平昌孟靈休東海何勗等竝以  
輿馬相尚公主與瑒情愛隆密何氏踈戚莫不霑被恩禮  
瑒位右衛將軍主薨瑒墓開孝武追贈瑒金紫光祿大夫  
子邁尚文帝第十女新蔡公主諱英媚邁少以貴戚居顯  
官好犬馬馳逐多聚才力士位南濟陰太守廢帝納公主  
於後宮僞言薨殞殺一婢送出邁第殯葬行喪禮常疑邁  
有異圖邁亦招聚同志欲因行廢立事覺見誅明帝即位  
追封建寧縣侯瑒兄子衍性躁動位黃門郎拜竟求司徒

南史列傳一  
九  
司馬得司馬復求太子右率拜一二日復求侍中旬日之間求進無已不得侍中以怨罵賜死

明恭王皇后諱貞風琅邪臨沂人也初拜淮陽王妃明帝改封又為湘東王妃生晉陵長公主伯姁建安長公主伯媛明帝即位立為皇右上嘗宮內大集而裸婦人觀之以為歡笑后以扇鄣面獨無所言帝怒曰外舍家寒乞今共作笑樂何獨不視也為樂之事其方自多豈有姑姊妹集聚而裸婦人形體以此為樂外舍為歡適與此不同帝大怒令后起后已坦州刺史景文以此事語從舅陳郡謝綽曰后在家為儂弱婦人不知今段遂能剛正如此廢帝

即位尊為皇太后宮曰弘訓廢帝失德太后每加勗譬始猶見順後狂慝稍甚太后嘗賜帝王柄毛扇帝嫌毛扇不華因此欲加醜害令大醫煮藥左右止之曰若行此事官便作孝子豈得出入投擲帝曰汝語大有理乃止順帝即位齊高帝執權宗室劉晃劉綽卜伯興等有異志太后頗與相關順帝禪位太后與帝遜于東邸因遷居冊楊宮拜汝陰王太妃順帝殂于冊楊更立第都下建元元年薨于第追加謚葬以宋禮后父僧朗別有傳

後廢帝陳太妃諱妙登冊楊建康屠家女也孝武嘗使尉司采訪人問子女有姿色者太妃家在建康縣居有草屋

兩三簡上出行問尉曰御道那得此草屋當由家貧賜錢  
三萬令起瓦屋尉自送錢與之家人並行唯太妃在家時  
年十二三尉見其美即以白孝武於是迎入宮在路太后  
房內經二年再呼不見幸太后因言於上以賜明帝始有  
寵一年衰歇以賜李道兒尋又迎還生廢帝先是人間言  
明帝不男故皆呼廢帝為李氏子廢帝後每微行自稱李  
將軍或自謂李統明帝即位拜貴妃秩同皇太子廢帝踐  
祚有司奏上尊號曰皇太妃輿服一如晉孝武李太妃故  
事宮曰弘化置家令一人改諸國太妃曰太姬昇明初降  
為蒼梧王太妃

後廢帝江皇后諱簡珪濟陽考城人也太始五年明帝訪  
太子妃而雅信小數名家女多不合江氏雖為華族而右  
父祖並已亡第又弱小以小筮吉故為太子納之六年拜  
皇太子妃諷朝士州郡皆令獻物多者將直百金始興太  
守孫奉伯止獻琴書其外無餘物上大怒封藥賜死既而  
原之太子即帝位上為皇后帝既廢降后為蒼梧王妃祖  
智深自有傳

順陳太妃諱法容丹楊建康人也明帝素肥晚年廢疾不  
能內御諸弟姬人有懷孕者輒取以入宮及生男皆殺其  
母而與六宮所愛者養之順帝桂陽王休範子也以陳昭

華為母明帝崩昭華拜安成王太妃順帝即位進為皇太妃順帝禪位去皇存太妃之號

順謝皇后諱梵境陳邵陽夏人右光祿大夫莊之孫也父賜車騎功曹昇明二年立為皇后順帝禪位降為汝陰王妃祖莊自有傳

齊宣孝陳皇后諱道止臨淮東陽人魏司徒矯之後也后家貧少勤織作家人矜其勞或止之后終不改嫁于宣帝宣帝庶生子衡陽元王道度始安貞王道生后生高帝高帝年二歲乳人乏乳后夢人以兩甕烹粥與之覺而乳驚因此豐足宣帝從任在外后常留家不相者謂后曰夫人

有貴子而不見之后歎曰我三子誰當應之呼高帝小字曰政應是汝耳宣帝殂後后親執勤婢使有過皆恕而不問高帝雖從宦而家業本貧為建康令時明帝等冬月猶無縑纈而奉膳甚厚后每撤去兼肉曰於我過足矣殂于縣舍昇明二年追贈竟陵公國太夫人齊國建為齊國太妃竝蜜印書青綬祠以太牢建元元年追尊孝皇后贈外祖父肇之金紫光祿大夫謚敬侯后母胡氏為永昌縣靖君永明九年詔太廟四時祭宣皇帝薦起麵餅鴨臠孝皇后薦筍鶻卵脯醬炙白肉高皇帝薦肉膾菹羹昭皇后薦茗糲炙魚竝生平所嗜也

高昭劉皇后諱智容廣陵人也祖玄之父壽之竝負外郎  
后母相氏夢吞玉勝生后時有紫光滿室以告壽之壽之  
曰恨非是男桓笑曰雖女亦足興家矣后寢卧見有羽蓋  
蔭其上家人試察之常見其上掩藹如似雲氣年十七裴  
方明爲子求婚酬許已定后夢見先有迎車至猶如常家  
迎法后不肯去次有迎至龍旂豹尾有異於常后喜而從  
之既而與裴氏不成婚竟嬪于上嚴整有軌度造次必依  
禮法生太子及豫章王嶷太子初在孕后嘗歸寧遇家奉  
祠爾日陰晦失曉舉家狼狽共營祭食后助炒胡麻始復  
內薪未及索火火便自然宋恭豫元年殂歸葬宣帝墓側

則泰安陵也門生王清與墓工始下插有白兔跳起尋之  
不得及墳成兔還栖其上昇明二年贈竟陵公國夫人三  
年贈齊國妃印綬齊建元元年尊謚昭皇后二年贈后父  
壽之金紫光祿大夫母桓氏上虞都鄉君

武穆裴皇后諱吉昭河東聞喜人也祖封之給事中父璣  
之左軍參軍后少與豫章王妃庾氏爲娣姒庾氏勤女工  
奉事高昭后恭謹不倦后不能及故不爲舅姑所重武帝  
亦薄焉性剛嚴竟陵王子良妃袁氏布衣時有過后加訓  
罰昇明三年爲齊世子妃建元元年爲皇太子妃二年后  
薨謚穆妃葬休安陵時議欲立石誌王儉曰石誌不出禮

起宋元嘉中顏延之為王球石誌素族無銘策故以紀行  
自爾以來共相祖習儲妃之重禮絕恒例既有哀策不煩  
石誌從之武帝即位追尊皇后贈父璣之金紫光祿大夫  
后母檀氏餘杭廣昌鄉元君舊顯陽昭陽二殿太后皇后  
所居也永明中無太后皇后羊貴嬪居昭陽殿西范貴妃  
居昭陽殿東寵姬荀昭華居鳳華栢殿宮內御所居壽昌  
畫殿南閣置白鷺鼓吹二部乾光殿東西頭置鐘磬兩箱  
皆宴樂處也上數游幸諸苑囿載宮人從從車置內深隱  
不聞端門鼓漏聲置鍾於景陽樓上應五鼓及三鼓宮人  
聞鍾聲早起莊飾車駕數幸琅邪城宮人常早發至湖

北埭雞始鳴故呼為雞

韓蘭英有文辭

孝武帝時獻中興賦被賞入

宋書

用為宮中禮儀及

武帝以為博士教六宮事

學以其年老

及識呼為韓公云

文安王皇后諱寶明琅邪臨沂人也祖初之吳興太守父

諱之太宰祭酒宋高帝也文惠太子訥后建元元年為

南郡王妃四年為皇太子妃無寵太子宮人製新麗衣裳

及青金飾石卷惟涼故古舊釵鐸十餘枚明十一年為

皇太后八妃薨林即位尊為皇太后后無宣室宮置甲左右

三十人前代所未有也贈后父曄之金紫並祿大父母桓

氏豐安縣君其年十二月備法駕謁太廟明帝即位出居

鄱陽王故第為宣德宮永元三年梁武帝定建鄴迎入宮  
后稱制至禪位遂居外宮梁天監十一年薨葬崇安陵謚  
曰安后祖詔之自有傳

鬱林王何妃諱婧英廬江瀟人撫軍將軍戡女也初將納  
為南郡王妃文惠太子嫌戡無男門孤不欲與昏王儉以  
南郡王妃便為將來外戚唯須高胄不須強門今何氏陰  
華族罪莫大於戚之義永明三年乃成昏妃稟性淫亂南  
郡王所與無賴人游妃擇其美者皆與交歡南郡王侍書  
人馬昱等色美甚為妃悅常與鬪腕較力南郡王以為  
敗於南岸逼略人家女為秣陵縣

所錄南郡王語縣散遣之澄又一求姨女為妾妃不  
許建康令沈徽孚訟之徽孚曰姨女可為婦不可為妾澄  
曰僕父為給事中門戶既成姨家猶是寒賤政可為妾耳  
徽孚訶而遣之十一年為皇太孫妃又有女巫子楊珉之  
亦有美貌妃尤愛之與同寢處如伉儷及七孫即帝位  
為皇后封嫡母劉為高昌縣都鄉君所生母宋為餘杭  
廣昌鄉君后將拜鏡在牀無因墮地其冬與太后同日謁  
太廟楊珉之為帝所幸常居中侍明帝為輔與王晏徐孝  
嗣王廣之並面請不聽又令蕭湛坦之固請皇后與帝同  
席坐流涕覆面謂坦之曰楊郎好年少無罪過何可在殺



坦之耳語於帝曰此事別有一意不可令人聞帝謂皇后  
為阿奴曰阿奴去坦之乃曰外間竝云楊珉之與皇后  
有異情彰聞遐邇帝不得已乃為赦坦之馳報明帝即令  
建康行刑而果有赦原之而珉之已死后既淫亂又與帝  
父襲故帝恣之又迎后親戚入宮嘗賜人百數十以  
武帝曜靈殿處后家屬帝廢后貶為王妃父戡自有傳  
海陵王王如諱韶明琅邪臨沂人太常慈之女也永明八  
年納為臨沂公夫人鬱林王即位為新安王妃延興元年  
為主后其年降為海陵王妃妃父慈自有傳  
明敬劉皇后諱惠端彭城人光祿大夫道弘孫也高帝為

帝納之建元二年除西昌侯夫人永明七年卒葬江乘  
縣張山延興元年贈宣城王妃明帝即位追尊敬皇后贈  
父通直郎景猷為金紫光祿大夫母王氏平陽鄉君明帝  
崩後葬柩于興安陵

東昏褚皇后諱令璩河南陽翟人太常澄之女也建武二  
年納為皇太子妃而無寵帝謂左右曰若得如山陰主無  
恨矣山陰主明帝長女也後遂與之為亂明年妃謁敬后  
廟東昏即位為皇后帝寵潘妃后不被遇黃淑儀生太子誦  
而卒東昏廢后及誦竝為廢人后父澄自有傳  
和王皇后諱薜華琅邪臨沂人太尉儉之孫也初為隨王

妃中興元年為皇后帝禪位后降為妃妃祖儉自有傳

列傳第一

南史十一

列傳第二

李

南史十二

延壽

后妃下

梁文獻張皇后

武德郝皇后

武丁貴嬪

武阮脩容

簡文王皇后

元徐妃

敬夏太后

敬王皇后

陳武宣章皇后

文沈皇后

廢帝王皇后

宣柳皇后

後主沈皇妃 張貴妃

梁文獻張皇后諱尚柔范陽方城人也父彥之娶文帝從  
姑而生后后以宋元嘉中嬪於文帝生長沙宣武王懿永  
陽昭王敷次主武帝方孕忽見庭前菖蒲花光采非常驚  
報侍者皆云不見后曰常聞見菖蒲花者當富貴因取吞  
之是月生武帝將產之夕后見庭內若有衣冠陪列焉次  
生衡陽宣王暢義興昭長公主令嬪后宋泰始七年殂於  
秣陵縣同夏里舍葬晉陵武進縣東城里山天監元年五  
月甲辰追上尊號為皇后諡曰文獻穆之字思靜晉司空  
華六世孫也少方雅有識鑒初為員外散騎侍郎深被始  
興王濬引納穆之鑿其禍萌求為交趾太守政有異績宋

文帝將以為交州刺史會病卒子弘籍字貞軌齊初為鎮  
西參軍卒於官梁武踐祚追贈穆之光祿大夫加金章紫  
綬贈弘籍廷尉卿弘籍無子從父弟弘策以子績嗣別有  
武德邨皇后諱徽高平金鄉人也祖紹宋國子祭酒領東  
海王師父曄太子舍人旦卒后母宋文帝女尋陽公主也  
方娠夢當生貴子及后生有赤光照室器物盡明家人怪  
之巫言此女光高將有子姑乃於水濱被除之后幼明慧  
善隸書讀史傳女工之事無不閑習宋後廢帝將納為后  
齊初安陸王緬又欲結婚郗氏並辭以女疾乃止齊建元  
末嬪于武帝生永興公主王姚末世公主王婉永康公主

玉嫫及武帝為雍州刺史姐于襄陽宮舍年三十二其年  
歸葬南徐州南東海武進縣東城里山中興二年武帝為  
梁公齊帝詔贈后為梁公妃及武帝踐祚追崇為皇后謚  
曰德陵曰脩陵后父曄贈金紫光祿大夫后酷妬忌及終  
化為龍入于後宮通夢於帝或見形光彩照灼帝體將不  
安龍輒激水騰涌於露井上為殿衣服委積常置銀鹿盧  
金瓶灌百味以祀之故帝卒不置后

武丁貴嬪諱令光譙國人也祖父從官襄陽因居沔北五  
女村寓於劉惠明廡下貴嬪生於樊城初產有神光之異  
紫氣滿室故以光為名相者云當大貴少時與鄰女月下

紡績諸女竝患蚊蚋而貴嬪弗之覺也鄉人魏益德將媵  
之未及成而武帝鎮樊城嘗登樓以望見漢濱五采如龍  
下有女子擘紉則貴嬪也又丁氏因人以相者言聞之於  
帝帝贈以金環納之時年十四貴嬪生而有赤誌在左臂  
瘵之不滅又體多疣子至是無何竝失所在德后酷忌遇  
貴嬪無道使日舂五斛舂每中程若有助者被遇雖嚴益  
小心祇敬嘗於供養經案側髻髻若見神人心獨異之天  
監元年五月有司奏為貴人未拜其年八月又奏初貴嬪  
居顯陽殿及太子定位有司奏曰皇太子副貳宸極率土  
咸執吏禮既盡禮皇儲則所生不容無敬王侯妃主常得

南史列傳二  
三  
通信問者及六宮三夫人雖與貴嬪同列竝應以敬皇太子之禮敬貴嬪宋元嘉中始興武陵國臣竝以吏敬敬王所生潘淑妃路淑媛貴嬪於宮臣雖非小君其義不異與宋泰豫朝議百官以吏敬敬帝所生事義政同謂宮僚施敬宜同吏禮詣神獸門奉牋致謁年節稱慶亦同如此且儲妃作配率由盛則以婦踰姑彌乖從序謂貴嬪典章一與太子不異於是貴嬪備典章禮數同乎太子言則稱令貴嬪性仁恕及居宮接馭自下皆得其歡心不好華飾器服無珍麗未嘗為親戚私謁及武帝弘佛教貴嬪長進蔬膳受戒日甘露降于殿前方一丈五尺帝所立義皆得其

指歸尤精淨名經並通七年十一月庚辰薨移殯於東宮臨雲殿時年四十二詔吏部郎張績為哀冊文有司奏謚曰穆葬寧陵祔于小廟簡文即位追崇曰太后貴嬪父道遷天監初為歷陽太守廬陵威王之生武帝謂之曰賢女復育一男荅曰莫道猪狗子世人以為笑後位兗州刺史宣城太守

文宣阮太后諱令羸會稽餘姚人也本姓石初齊始安王遙光納焉遙光敗入東昏宮建康城平為武帝采女在孕夢龍罩其牀天監六年八月生元帝于後宮是日大赦尋拜為脩容賜姓阮氏嘗隨元帝出藩大同六年六月薨于

江州正寢時年六十七其年十一月歸葬江寧縣通望山  
謚曰宣元帝即位有司奏追崇為文宣太后還祔小廟承  
聖二年追贈太后父齊故奉朝請石靈寶散騎常侍左衛  
將軍封武康縣侯母陳氏武康侯夫人

簡文王皇后諱靈賓琅邪臨沂人也祖儉齊太尉南昌文  
憲公父騫金紫光祿大夫南昌安侯后幼而柔明叔父暕  
見之曰吾家女師也天監十一年拜晉安王妃生哀太子  
大器南郡王大連長山公主妙碧大通三年十月拜皇太  
子妃太清三年三月薨于永福省時年四十五其年簡文  
即位追崇為皇后謚曰簡大寶元年九月葬莊陵

帝妹妃諱昭佩東海郟人也祖孝嗣齊太尉枝江文忠

公父緄侍中信武將軍妃以天監十六年十二月拜湘東  
王妃生世子方等益昌公主含貞妃無容質不見禮帝三  
二年一入房妃以帝眇一目每知帝將至必為半面粉以  
後帝見則大怒而出妃性嗜酒多洪醉帝還房必吐衣中  
與荊州後堂瑤光寺智遠道人私通酷妬忌見無寵之妾  
獲交杯接坐纔覺有娠者即手加刀刃帝左右暨季江有  
姿容又與淫通季江每歎曰栢古狗雖老猶能獵蕭漂陽  
馬雖老猶駿徐娘雖老猶尚多佳爾時有賀徵者美色妃要  
之於普賢尼寺書白角枕為詩相贈答既而貞惠世子方

諸母王氏寵愛未幾而終元帝歸咎於妃及方等死愈見疾太清三年遂逼令自殺妃知不免乃透井死帝以屍還徐氏謂之出妻葬江陵瓦官寺帝制金樓子述其淫行初妃嫁夕車至西州而疾風大起殿屋折木無何雪霰交下帷簾皆白及長還之日又大雷電西州聽事兩柱俱碎帝以為不祥後果不終婦道

敬夏太后會稽人也普通中納丁湘東二宮生廢帝承聖元年冬拜晉安王國太妃紹泰元年尊為太后明年冬降為江陰國太妃

敬王皇后琅邪臨沂人也承聖元年十一月拜晉安二妃

紹泰元年十月拜皇后明年降為江陰王妃父僉自有傳陳武宣章皇后諱要兒吳興烏程人本姓鈕父景明為章氏所養因以姓焉后母蘇嘗遇道士以小龜遺已光采五色曰三年有徵及期后生紫光照室因失龜所在后少聰慧美容儀手爪長五寸色竝紅白每有暮功之服則一爪先於武帝先娶同郡錢仲方女早卒後乃聘后后善書計能誦詩及楚辭帝為長城縣公后拜夫人永定元年立為皇后追贈后少子背駟侍郎景明特進金紫光祿大夫加金章紫綬拜后母蘇安吉縣君二年安吉君卒與后父葬吳興明年追封后父為廣德縣侯謚曰溫武帝崩后與中

書舍人蔡景歷定計秘不發喪時衡陽獻王昌未至召文帝及即位尊后為皇太后宮曰慈訓廢帝即位后為太皇太后光大二年后下令黜廢帝為臨海王命宣帝嗣立大建元年復為皇太后二年三月丙申崩于紫極殿時年六十五遺令喪事並從儉約諸饋奠不用牲牢其年四月群臣上謚曰宣祔葬萬安陵后親屬無在朝者唯本族兄鈕洽官至中散大夫

文沈皇后諱妙容吳興武康人也父法深梁安前中錄事參軍后年十歲餘以梁大同中歸于文帝武帝之討侯景文帝時在兵興及后並被收景平乃獲免武帝踐祚后為

臨川王妃文帝即位為皇后追贈后父法深光祿大夫加金章紫綬封建城縣侯謚曰恭追贈后母高為綏安縣君謚曰定廢帝即位尊后為皇太后宮曰安德時宣帝與僕射到仲舉舍人劉師知等並受遺輔政師知與仲舉恒居禁中參決眾事而宣帝為揚州刺史與左右三百人入居尚書省師知忌宣帝權重矯敕令還東府理州務宣帝將出毛喜止帝曰今若出外便受制於人如曹爽願作富家公不可得也宣帝乃稱疾召師知留與語使毛喜先入言之於后后曰今伯宗年幼政事並委二郎此非我意喜又言於廢帝廢帝曰此自師知等為非朕意也喜出報宣帝



帝因囚師知自入見后及帝極陳師知之短仍自草敕請  
畫以師知付廷尉其夜於獄賜死自是政歸宣帝后憂悶  
計無所出乃密賂宦者蔣裕令誘建安人張安國使據郡  
反冀因此圖帝安國事發被誅時后左右近侍頗知其事  
后恐連逮黨與竝殺之宣帝即位以后為文皇后陳亡入  
隋大業初自長安歸于江南頃之卒后兄欽襲爵建城侯  
位尚書左僕射欽素無伎能奉已而已卒謚曰成子觀嗣  
頗有學識官至御史中丞

廢帝王皇后琅邪臨沂人也天嘉元年為皇太子妃廢帝  
即位立為皇后廢帝為臨海王后廢為妃至德中薨后生  
臨海嗣王至澤至澤光大元年 皇太子大建元年襲封  
臨海嗣王陳亡入長安后父固自有傳

宣柳皇后諱敬言河東解縣人也曾祖世降祖憚父愷竝  
有傳后九歲幹理家事有若成人侯景之亂后與弟盼往  
江陵依梁元帝帝以長城公主故待遇甚厚以配宣帝承  
聖二年后生後主於江陵及魏剋江陵宣帝遷于關右后  
與後主俱留穰城天嘉二年與後主還朝后為安成王妃  
宣帝即位立為皇后后美容身長七尺二寸手垂過膝  
初宣帝居鄉里先娶吳興錢氏及即位拜貴妃甚有寵后  
傾心下之每尚方供奉物其上者皆推於貴妃而已御其

次為宣帝崩始興王叔陵為亂後主賴后與吳媪救而獲免後主即位尊后為皇太后宮曰弘範是時新失淮南地隋師臨江又國遭大喪後主患創不能聽政其誅叔陵供大行喪事邊境防守及百司眾務雖假後主之敕實皆決之於后後主創愈乃歸政焉后性謙謹未嘗以宗族為請

雖亦無所分遺陳亡入長安隋大業十二年薨於東都年八十三葬于洛陽之芒山

後主沈皇后諱婺華吳興武康人也父君理自有傳后母即武帝女會稽穆公主早亡時后尚幼而毀瘠過甚及服畢每歲朔望恒獨坐涕泣哀動左右內外敬異焉大建

三年拜為皇太后

女後主即位立為皇后后性端靜有識

量寡

欲聰敏強記涉獵經史工書翰後主在東宮而后

父君理卒居憂廵別殿哀毀禮後主遇后既薄而張專

妃有寵揔後宮之政后澹然未嘗有所忌怨而身居儉

衣服無錦繡之飾左右近侍纔百許人唯尋閱圖史及

典為事嘗遇歲旱自暴而誦佛經應時雨降無子養孫

子胤為己子數上書諫爭後主將廢之而立張貴妃會

亡不果乃與後主俱入長安及後主薨后自為哀辭文其

酸切隋煬帝每巡幸恒令從駕及煬帝被殺后自廣陵過

江於毗陵天靜寺為尼名觀音貞觀初卒

張貴妃名麗華兵家女也父兄以織席為業後主為太子以選入宮時龔貴嬪為良娣貴妃年十歲為之給使後主見而悅之因得幸遂有娠生太子深後主即位拜為貴妃性聰慧甚被寵遇後主始以始興王叔陵之亂被傷臥于承香殿時諸姬竝不得進唯貴妃侍焉而柳太后猶居栢梁殿即皇后之正殿也而沈皇后素無寵於後主不得侍疾別居求賢殿至德二年乃於光昭殿前起臨春結綺望仙三閣高數十丈竝數十間其窻牖壁帶懸楣欄檻之類皆以沈檀香為之又飾以金玉間以珠翠外施珠簾內有寶牀寶帳其服玩之屬瑰麗皆近古未有每微風暫至香

出朝日初照光映後庭其下積石為山引水為池植以奇樹雜以花藥後主自居臨春閣張貴妃居結綺閣龔孔二貴嬪居望仙閣竝復道交相往來又有王季二美人薛二淑媛表昭儀何婕妤江脩容等七人竝有寵遞代以游其上以宮人有文學者表大捨等為女學士後主每引賓客對貴妃等游宴則使諸貴人及女學士與狎客共賦新詩互相贈答采其尤豔麗者以為曲調被以新聲選宮女有容色者以千百數令習而歌之分部迭進持以相樂其曲有玉樹後庭花臨春樂等其略云璧月夜夜滿瓊樹朝朝新大抵所歸皆美張貴妃孔貴嬪之容色張貴妃

髮長七尺鬢黑如漆其光可鑑特聰慧有神彩進止閑華  
容色端麗每瞻視眄睇光彩溢目照映左右嘗於閣上靚  
粧臨于軒檻宮中遙望飄若神仙才辯強記善候人主顏  
色薦諸宮女後宮咸德之競言其善又工厭魅之術假鬼  
道以惑後主置淫祀於宮中聚諸女巫使之鼓舞時後主  
怠於政事百司啓奏竝因宦者蔡臨兒李善度進請後主  
倚隱囊置張貴妃於膝上共決之李蔡所不能記者貴妃  
竝為疏條無所遺脫因參訪外事人間有一言一事貴妃  
必先知白之由是益加寵六冠絕後庭而後宮之家不遵  
法度有結於理者但求恩於貴妃貴妃則令李蔡先啓其  
事而後從容為言之大臣有不從者因而譖之言無不聽  
於是張孔之權熏灼四方內外宗族多被引用大臣執政  
亦從風而靡闈宦佞倖之徒內外交結轉相引進賄賂公  
行賞罰無常綱紀紊亂矣及隋軍剋臺城貴妃與後主俱  
入井隋軍出之晉王廣命斬之於青溪中

論曰飲食男女人之大欲存焉故聖人順于人情而為之  
度王宮六列士室二等皆隨事升降以立節文若夫義篤  
閭闈政刑邦國古先哲王有以之致化矣夫后妃專夕配  
以德升姬嬪竝御進非色幸欲使情有覃被愛罔偏流專  
貞內表妖蠱外息乃可以輔興君德燮理陰政宋氏因晉

之舊典聘納有方俛天作儷必四岳之後自元嘉以降內  
職稍繁所選止於軍署徵引極乎斯阜非若晉氏采擇濫  
及冠冕者焉而愛止惟房權無外授戚屬餼資歲時不過  
肴漿斯為美矣及文帝之傾惑潘姬謀及婦人大明之淪  
沒殷姬竝后匹嫡其為喪敗亦已甚矣齊氏孝昭二后竝  
有賢明之訓惜乎早世不得母臨萬國有婦人焉空慕周  
典禎符顯瑞徒萃微名高皇受命宮禁賤約衣不文繡色  
無紅采永巷貧空有同素室武帝嗣位運藉休平壽昌前  
興鳳華晚構香栢文檀花梁繡柱雕金鏤寶照燭房帷趙  
瑟吳趨承閑奏曲事由私蓄無損國儲明帝統業矯情儉  
陋奉已之制曾莫云改東昏喪道侈風大扇哲婦傾城同  
符殷夏可以垂誠其在斯乎梁武志在約已示存宮掖雖  
貴嬪之徽華早著誕育元良唯見崇重無聞正位徐妃無  
行其殲滅也言哉陳武撫妣歸運奄開帝業若夫儷天作  
則燮隆王化則宣太后其懿焉文宣宮壺無聞於喪德後  
主嗣業實敗下椒房既曰北晨亦咍家之索也

之舊典聘納有方俛天作儷必四岳之後自元嘉以降內  
職稍繁所選止於軍署徵引極乎廝阜非若晉氏采擇濫  
及冠冕者焉而愛止惟房權無外授戚屬餼資歲時不過  
肴漿斯為美矣及文帝之傾惑潘姬謀及婦人大明之淪  
沒殷姬竝后匹嫡其為喪敗亦已甚矣齊氏孝昭二后竝  
有賢明之訓惜乎早世不得母臨萬國有婦人焉空慕周  
典禎符顯瑞徒萃徽名高皇受命宮禁賤約衣不文繡色  
無紅采永巷貧空有同素室武帝嗣位運藉休平壽昌前  
興鳳華晚構香栢文檀花梁繡柱雕金鏤寶照燭房帷趙  
瑟吳趨承閑奏曲事由私蓄無損國儲明帝統業矯情儉

陋奉已之制曾莫云改東昏喪道侈風大扇哲婦傾戚同  
符殷夏可以垂誠其在斯乎梁武志在約已示存宮掖雖  
貴嬪之徽華早著誕育元良唯見崇重無聞正位徐妃無  
行其殲滅也言哉陳武撫茲歸運奄開帝業若夫儷天作  
則燮隆王化則宣太后其懿焉文宣宮壺無聞於喪德後  
主嗣業實敗下椒房既曰北晨亦咍家之索也

列傳第二

南史十二

列傳第三

南史十三

李

延壽

宋宗室及諸王上

長沙景王道憐

臨川烈武王道規鮑照

營浦侯遵考從子李連

武帝諸子

長沙景王道憐宋武帝中弟也謝琰為徐州命為從事史  
武帝尅京城及平建鄴道憐常留侍太后後以軍功封新  
渝縣男從武帝征廣固所部獲慕容超以功改封竟陵縣  
公及討司馬休之道憐監太尉留府事江陵平為驃騎將  
軍開府儀同三司荊州刺史護南蠻校尉加都督北府文

武悉配之道憐素無才能言音甚楚舉止多諸鄙拙重  
常若不足去鎮日府庫為空徵拜司空徐充二州刺史加  
都督出鎮京口武帝受命遷太尉封長沙王先是廬陵王  
義真為揚州刺史太后謂上曰道憐汝布衣兄弟宜用為  
揚州上曰寄奴於道憐豈有所惜揚州根本所寄事務至  
重非道憐所了太后曰道憐年五十豈不如十歲子邪上  
曰車士雖為刺史事無大小皆由寄奴道憐年長不親其  
事於聽望不足太后乃無言竟不授永初三年薨加贈太  
傅葬禮依晉太宰安平王故事轎路九旒黃屋左纛輜  
輶車挽歌二部前後羽葆鼓吹虎賁班劍百人文帝元嘉

九年詔故太傅長沙景王故大司馬臨川烈武王故司徒  
南康文宣公劉穆之開府儀同三司華容縣公王弘開府  
儀同三司永脩縣公檀道濟故青州刺史龍陽縣公王鎮  
惡並勒功天府配祭廟庭道憐子義欣嗣位豫州刺史鎮  
壽陽境內畏服道不拾遺遂為盛藩強鎮薨贈開府儀同  
三司謚曰成王子悼王瑾嗣傳爵至子齊受禪國除瑾弟  
韞字彥文位雍州刺史侍中領右衛將軍領軍將軍昇明  
二年被齊高帝誅謚人才凡鄙特為明帝所寵在湘州雍  
州使善畫者圖其出行鹵簿羽儀常自披翫嘗以圖示征  
西將軍蔡興宗興宗戲之陽若不解畫者指韞形問之曰



此何人而在與韞曰政是我其庸底類如此韞弟述字羨  
思亦甚庸劣從子俱疾危篤父彥節母蕭對之泣述嘗候  
之便命左右取酒肉令俱進之皆莫知其意或問焉荅曰  
禮云有疾飲酒食肉述又嘗新有總慘或詣之間其母安  
否述曰惟有愁惛次訪具子對曰所謂父子聚麀蓋謂麀  
為憂也義欣弟義融封桂陽縣侯邑千戶王子為侯食  
邑皆千戶義融位五兵尚書領軍有質幹善於用短卒謚  
恭侯子孝侯覲嗣無子弟龍以子晃繼龍字茂德性庸鄙  
為郢州刺史暑月露禪上聽事時綱紀政伏閣怪之訪問  
乃知是龍義融弟義宗幼為武帝所愛字曰伯奴封新渝

縣侯位太子左衛率坐門生杜德靈放橫打人入義宗弟敏  
隱免官德靈以姿色故義宗愛寵之義宗卒於南兖州刺史  
謚曰惠侯子懷珍嗣無子弟彥節以子承繼彥節少以宗室  
清謹見知孝武時其弟遐坐通嫡母殷氏養女雲數殷每禁  
之及殷亡口血出衆疑遐行毒害孝武使彥節從弟祗諷彥  
節啓證其事彥節曰行路之人尚不應爾今日廼可所同  
盡無容奉敕衆以此稱之後廢帝即位累遷尚書左僕射  
參選元徽元年領吏部加兵五百人桂陽王休範為逆中  
領軍劉劭出守石頭彥節權兼領軍將軍所給加兵自隨  
入殿封當陽侯與齊高帝表祭褚彥回分日入直平決機

事遽中書令加撫軍將軍及帝廢爲蒼梧王彥節出集議於路逢從弟韞韞問曰今日之事故當歸兄邪彥節曰吾等已讓領軍矣韞搥背曰兄肉中詎有血邪今年族矣齊高帝聞而惡之順帝即位轉尚書令時齊高帝輔政彥節知運祚將遷密懷異圖及沈攸之舉兵齊高入屯朝堂袁粲鎮石頭潛與彥節及諸大將黃回等謀夜會石頭詰旦乃發彥節素怯騷擾不自安再晡後便自丹楊郡車載婦女盡室奔石頭臨去婦蕭氏強勸令食彥節歎美寫背甲手振衣自禁其主簿丁靈衛聞難即入語左右曰今日之事難以取濟但我受劉公厚恩義無二情及至見粲怒驚

曰何遽便來事今敗矣彥節曰今得見公萬死何恨從弟韞直省內與直閣將軍卜伯興謀其夜共攻齊高帝會彥節事覺秣陵令劉實建康令劉遐密告齊高帝高帝夜使驍騎將軍王敬則收殺之伯興亦遇害粲敗彥節踰城走於額樞湖見禽被殺彥節子俱嘗賦詩云城上草植根非不高所恨風霜早時咸云此為祚句事敗俱與弟陳刺殺被法服向京口於客舍爲人識執於建康獄盡殺之彥節既貴士子自非三署不得上方榻時人以此少之其妻蕭思話女也常懼禍敗每謂曰君富貴已足故應爲兒作計彥節不從故及禍彥節弟遐字彥道爲嫡母殷暴亡有司

糾之徒始安郡後得還位吳郡太守至是亦見誅遐人才甚凡自諱名有同至諱常對客曰孝武無道見枉殺母其頑騃若此及彥節當權遐累求方伯彥節曰我在事而用汝作州於聽望不足遐曰富貴則言不可相關從坐之日得免不至是果死義宗弟義眉封興安侯位徐州刺史卒諡曰肅侯義賓弟義恭封營道縣侯凡鄙無識始與王濬嘗謂曰陸士衡詩云營道無烈心其何意苦阿父如此義恭曰下官初不識士衡何忽見苦其庸塞皆然位湘州刺史謚僖侯

臨川烈武王道規字道則武帝少弟也侗儻有大志預謀

誅桓玄時桓

鎮廣陵以為征虜中兵參軍武帝克京城

道規亦以其自

與劉毅孟昶斬弘玄敗走道規與劉毅何

無忌追破之無

忌欲乘勝追玄直造江陵道規曰諸桓世

居西楚群小皆

為竭力桓振勇冠三軍且可頓兵以計策

縻之無忌不從

未為振敗乃退還尋陽繕舟甲復進遂平

巴陵江陵之平

道規推毅為元功無忌為次自居其末以

起義勲封華容侯

公累遷領護南蠻校尉荊州刺史加都

督善於刑政士庶

畏而愛之盧循寇逼建道規遣司馬

王鎮之及揚武將

畢檀道濟廣武將軍到彥之等赴援朝

廷至尋陽為循黨

所破林秉勝伐江陵聲言徐道覆

已剋建鄴而桓謙自長安入蜀譙縱以謙為荊州刺史與其大將譙道福俱寇巴陵道規乃會將士告之曰吾東來文武足以濟事欲去也口不禁因夜開城門衆咸禪服莫有去者雍州刺史魯宗之口自襄陽來赴或謂宗之未可測道規乃單車迎之衆咸感悅衆議欲使檀道濟到彥之共擊荀林等道規曰非吾自行不決乃使宗之居守委以心腹率諸將大敗謙斬之諡譙劉遵道荀林斬之巴陵初謙至枝江江陵士庶皆與謙言京城內虛實道規一皆焚燒衆乃大宴徐道覆奔至破魯宗之已還襄陽人情大震或傳循已剋都遣道覆上口刺史江漢士庶感其焚書之恩

無復二志道規使劉遵游軍拒道覆前驅失利道規壯氣愈厲遵自外橫擊大破之口初使遵為游軍衆咸言不宜割見力置無用之地乃口道覆果得游軍之力衆乃服焉遵字慧明淮南海西人口道規從母兄也位淮南太守追封監利縣侯道規進號征西大將軍開府儀同三司改授豫州以疾不拜義熙八年薨于都贈司徒諡曰烈武進封南郡公武帝受命贈大司馬追封臨川王無子以長沙景王第二子義慶嗣初文帝少為道規所養武帝命紹焉咸以禮無二繼文帝還本而定義慶為後義慶為荊州廟主當隨往江陵文帝下詔褒美勲德及慈蔭之重追崇丞相加

殊禮鸞路九旒黃屋左纛給節鉞前後部羽葆鼓吹虎賁班劍百人及長沙太妃檀氏臨川太妃曹氏後薨葬皆準給義慶幼為武帝所知年十三襲封南郡公永初元年襲封臨川王元嘉中為丹楊尹有百姓黃初妻趙殺子婦遇赦應避孫讎義慶議以為周禮父母之仇避之海外蓋以莫大之冤理不可奪至於骨肉相殘當求之法外禮有過失之宥律無讎之文况趙之縱暴本由於酒論心即實事盡荒耄豈得荒耄之王丹等行路之深讎宜共天同城無虧孝道六十加尚書左僕射八年太白犯左執法義慶懼有災禍乞外鎮文帝詔諭之以為玄象茫昧左執法

嘗有變五光祿至今平安日蝕三朝天下之至忌晉孝武初有此異彼庸主耳猶竟無佗義慶固求解僕射乃許之九年出為平西將軍荊州刺史加都督荊州居上流之重資實兵甲居朝廷之半故武帝諸子徧居之義慶以宗室令美故特有此授性謙虛始至及去鎮迎送物並不受十二年普使內外羣臣舉士義慶表舉前臨汝令新野庾實前徵奉朝請武陵龔祈處士南郡師覺授義慶留心撫物州統內官長親老不隨在官舍者一年聽三吏餉家先是王弘在江州亦有此制在州八年為西土所安撰徐州先賢傳十卷奏上之又擬班固典引為典叙以述皇代之美

南史列傳三  
改授江州又遷南充州刺史並帶都督尋即本號加開府  
儀同三司性簡素寡嗜慾愛好文義文辭雖不多足為宗  
室之表歷任無浮滛之過唯晚節奉沙門頗致費損少善  
騎乘及長不復跨馬招聚才學之士遠近必至大尉袁淑  
文冠當時義慶在江州請為衛軍諮議其餘吳郡陸展東  
海何長瑜鮑照等並有辭章之美引為佐吏國臣所著世  
說十卷撰集林二百卷並行於世文帝每與義慶書常加  
意斟酌鮑照字明遠東海人文辭贍逸嘗為古樂府文甚  
道麗元嘉中河濟俱清當時以為美瑞照為河清頌其叙  
甚工照始嘗謁義慶未見知欲貢詩言志人止之曰即位

尚不可輕忤大玉照勃然曰千載上有英才異士沈沒  
而不聞者安可數哉大丈夫豈可遂蘊智能使蘭艾不辨  
終日碌碌與燕雀相隨乎於是奏詩義慶奇之賜帛二十  
匹尋擢為國侍郎甚見知賞遷秣陵令文帝以為中書舍  
人上好文章自謂人莫能及照悟其旨為文章多鄙言累  
句咸謂照才盡寔不然也臨海王子項為荊州照為前軍  
參軍掌書記之任子項敗為亂兵所殺義慶在廣陵有疾  
而白虹貫城野鷹入府心甚惡之因陳求還文帝許解州  
以本號還朝二十一年薨于都下追贈司空謚曰康王子  
哀王暹嗣為元凶所殺暹子綽嗣昇明三年見殺國除

營浦侯遵考武帝族弟也會祖淳皇曾祖武原令混之弟  
位正負郎祖巖海西令父涓子彭城内史始武帝諸王並  
弱宗室唯有遵考及北伐平定以為并州刺史領河東太  
守鎮蒲坂關中失守南還再遷冠軍將軍晉帝遜位居秣  
陵官遵考領兵防衛武帝初即位封營浦縣侯元嘉中累  
遷寧蠻校尉雍州刺史加都督為政嚴暴聚斂無節為有  
司所糾上寢不問孝武大明中位尚書左僕射領崇憲太  
僕後老疾失明元徽元年卒贈左光祿大夫開府儀同三  
司謚曰元公子澄之昇明末貴達澄之弟琨之為意陵王  
誕司空主簿誕有寶琴左右犯其微誕罰焉據之諫誕曰

此余寶也琨之曰前哲以善人為寶不以珠玉為寶故王  
孫圍稱觀父為楚國之寶未聞以琴瑟為寶誕怛然不悅  
誕之叛以為中兵參軍辭曰忠孝不得並琨之老父在將  
安之乎誕殺之後贈黃門郎詔謝莊為誅遵考從父弟思  
考亦官歷清顯卒於散騎常侍金紫光祿大夫子季連字  
惠績早歷清官齊高帝受禪將及誅太宰褚彥回素善之  
固請乃免建武中為平西蕭遙欣長史南郡太守遙欣多  
招賓客明帝甚惡之季連有憾於遙欣乃密表明帝言其  
有異迹明帝乃以遙欣為雍州刺史而心德季連以為益  
州刺史今據遙欣上流季連父思考宋時為益州雖無政

績州人猶以義故故喜得之季連存問故老見父時人吏  
皆泣對之遂寧人龔愜累世有學行辟為府主簿及聞東  
昏失德稍自驕矜性忌褊遂嚴愎酷恨士人始怨永元元  
年九月因聲講武遂遣中兵參軍宋買以兵襲中水穰人  
李託買戰不利退還州郡遂多叛亂明年十月巴西人趙  
續伯反奉其鄉人李弘為聖主弘乘佛輿以五綵裹青石  
誑百姓云天與己玉印當王蜀季連遣中兵參軍李奉伯  
大破獲之將刑謂刑人曰我須臾飛去復曰汝空殺我我  
三月三日會更出遂斬之梁武帝平建鄴遣左右陳建孫  
送季連弟通直郎子深喻旨季連受命脩還裝

帝以西臺將鄧元起為益州刺史元起南郡人季連為南  
郡時待之素薄元起典籤朱道琛者嘗為季連府都錄無  
賴季連欲殺之逃免至是說元起請先使檢校緣路奉迎  
及至言語不恭又歷造府州人士見器物輒奪之曰會屬  
人何須苦惜軍府大懼言於季連季連以為然又惡昔之  
不禮元起益憤懣司馬朱士略說季連求為巴西郡守三  
子為質季連許之既而召兵筭之精甲十萬臨軍歎曰據  
天嶮之地握此盛兵進可以匡社稷退不失作劉備欲以  
此安歸乎遂矯稱齊宣德皇后令復反收朱道琛殺之書  
報朱士略兼召涪令李膺並不受命天監元年六月元起



至巴西季連遣其將李素伯拒戰見敗季連固守元起圍  
之城中餓死者相枕又從而相食二年乃肉袒請罪元起  
遷季連于外俄而造焉待之以禮季連謝曰早知如此豈  
有前日之事元起誅李奉伯送季連還都將發人莫之視  
唯龔愜送焉初元起仁道懼事不集無以賞士之至者皆  
許以辟命於是受別駕中從事檄者將二千人季連既至  
詣闕謝罪自東掖門入數步一稽首以至帝前帝笑謂曰  
卿欲慕劉備而曾不及公孫述豈無卧龍之臣乎赦為庶  
人四年出建陽門為蜀人藺相如所殺季連在蜀殺其父  
變名走建邺至是報焉乃面縛歸罪帝壯而赦之

宋武帝七男張夫人生少帝孫脩華生廬陵孝獻王義真  
胡婕妤生文帝王脩容生彭城王義康桓美人生江夏文獻  
王義恭孫美人生西川郡王義宣呂美人生衡陽文王義季  
廬陵孝獻王義真蓋儀貌神情秀徹初封桂陽縣公年十  
二從北征及關中平武帝東遷欲留偏將恐不足固人心  
乃以義真為雍州刺史加都督以太尉諮議參軍京兆王  
脩為長史委以關中任帝將還三秦父老泣訴曰殘生不  
當王化於今百年始親衣冠方仰聖澤長安十陵是公家  
墳墓咸陽宮殿是公家屋宅捨此何之武帝為之憫然慰  
譬曰受命朝廷不得擅留今留第二兒令文武才賢共鎮

此境臨還自執義真八手以授王脩令脩執其子孝孫手授  
帝義真又進都督并東秦二州領東秦州刺史時隴上流  
戶多在關中望得歸本及置東秦州父老知無復經略隴  
右固關中之意咸共歎息而赫連勃勃寇逼交至沈田子  
既殺王鎮惡王脩又殺田子兼裁減義真賜左右物左右  
怨之因白義真曰鎮惡欲反故田子殺之脩殺田子豈又  
欲反也義真使左右劉乞殺脩脩字叔京北霸城人初南  
度見桓玄玄謂曰君平世吏部郎才也脩既死人情離異  
武帝遣右將軍朱齡石代義真鎮關中使義真疾歸諸將  
競斂財貨方軌徐行建威將軍傅弘之曰虜騎若至何以

待之賊追兵果至至青泥大敗義真獨逃草中中兵參  
段宏單騎追尋義真識其聲曰君非段中兵邪身在此  
矣必不兩全可刻身頭以商使家公望絕宏泣曰死生並  
之下官不忍乃束義真於背單馬而歸義真謂宏曰丈夫  
不經此何以知艱難初武帝未得義真審問怒甚尅日北  
伐謝晦諫不從及得宏啓知義真免乃止義真尋為司州  
刺史加都督以段宏為義真諮議參軍宏鮮卑人為慕容  
超尚書左僕射武帝伐廣固歸降義真改揚州刺史鎮石  
頭永初元年封廬陵王武帝始踐祚義真色不悅侍讀博  
士蔡茂之間其故對曰安不忘危何可恃也明年遷司徒

武帝不豫以為車騎將軍開府儀同三司南豫州刺史加  
都督鎮歷陽未之任而武帝崩義真聰敏愛文義而輕動  
無德業與陳郡謝靈運琅邪顏延之慧琳道人竝周旋異  
常云得志日以靈運延之為宰相慧琳道人為西豫州刺  
史徐羨之等嫌義真靈運延之昵狎過甚故吏范晏戒之  
義真曰靈運空踈延之隘薄魏文云鮮能以名節自立者  
但性情所得未能忘言於悟賞故與游耳將之鎮列部伍  
於東府前既有國良義真與靈運延之慧琳等坐視奇伍  
因宴舫裏使左右剔毋芻函道施已知其勝者及至  
歷陽多所求索羨之等毋不盡與深怨表求還都初

少帝之居東宮多狎群小謝晦嘗言於武帝曰陛下春秋  
既高宜思存萬代神器至重不可使負荷非才帝曰廬陵  
何如晦曰臣請觀焉晦造義真義真盛欲與談晦不甚荅  
還曰德輕於才非人主也由是出居于外及羨之等專政義  
真愈不悅時少帝失德羨之等謀廢立次第應在義真以義  
真輕詆不任主社稷因其與少帝不協奏廢為庶人徙新安  
郡前吉陽令張約之上疏諫徙為梁州府軍參軍尋殺之  
景平二年羨之等遣吏殺義真於徙所時年十八元嘉元  
年八月詔追復先封迎靈柩并祿脩華謝妃一時俱還三  
年正月誅徐羨之傅亮等是日詔追崇侍中大將軍王如

故贈張約以郡義貞無子文帝第五子紹字休胤嗣襲廬  
王紹少寬雅位揚州刺史薨無子以南平王鏐子敬先嗣  
彭城王義康永初元年封彭城王歷南豫南徐二州刺史  
竝加都督文帝即位為驃騎將軍開府儀同三司元嘉三  
年改授都督荊州刺史給班劍三十人義康少而聰察及  
居方任職事脩理六年司徒王弘表義康宜還入輔徵為  
侍中司徒錄尚書事都督南徐州刺史二府置佐領兵與  
王弘共輔朝政弘既多疾且每事推謙自是內外衆務一  
斷之義康太子詹事劉湛有經國才用義康昔在豫州湛  
為長史既素情款至是待遇特隆動皆諮訪故前後在藩

多善政九年王弘薨領揚州刺史十二年又領太  
傅義康性好吏職銳意文案糾剔是非莫不精盡既專朝  
權事決自己生殺大事皆以錄命斷之凡所陳奏入無不  
可方伯以下竝委義康授用由是朝野輻湊權傾天下義  
康亦自強不息無有懈倦府門每日常有數百乘車雖復  
位卑人微皆被接引又聰識過人一聞必記嘗所整遇終  
身不忘稠人廣坐每標題所憶以示聰明人物益以此推  
服之愛惜官爵未嘗以階級私人凡朝士有才用者皆引  
入已府自下樂為竭力不敢欺負文帝有虛勞疾每意有  
所想便覺心中痛裂屬續者相係義康入侍醫藥盡心衛

奉湯藥飲食非口所嘗不進或連夕不寢彌日不解衣內  
外衆事皆專決施行十六年進位大將軍領司徒義康素  
無術學待文義者甚薄袁淑嘗詣義康義康問其年荅曰  
鄧仲華拜家之歲義康曰身不識也淑又曰陸機入洛之  
年義康曰身不讀書君無為作本語見向其淺陋若此既  
闇大體自謂兄弟至親不復存君臣形迹率心而行曾無  
猜防私置僮六千餘人不以言臺時四方獻饋皆以上品  
薦義康而以次者供御上嘗冬月嗽甘歎其形味並劣義  
康在坐曰今年甘殊有佳者遣還東府取甘大供御者三  
寸僕射殷景仁為帝所寵與劉湛素善而意好晚垂湛常

欲因宰輔之權傾之景仁為帝所保持義康屢書不見用  
湛愈憤南陽劉斌湛之宗也有俗才用為義康所知自司  
徒右長史擢為左長史從事中郎琅邪王履主簿沛郡劉  
敬文祭酒魯郡孔胤秀並以傾側自入見帝疾篤皆謂宜  
立長君上嘗危殆使義康具顧命詔義康還省流涕以告  
湛及景仁曰天下艱難詎是幼主所御湛景仁並不荅而  
胤秀等輒就尚書儀曹索晉咸康立康帝舊事義康不知  
也及帝疾瘳微聞之而斌等既為義康所寵遂結朋黨若  
有盡忠奉國不同己者必搆以罪黜每采景仁短長或虛  
造同異以告湛自是主相之勢分矣義康欲以斌為丹楊

尹言其家貧上覺之曰以為吳郡後會稽太守羊玄保求  
還義康又欲以斌代之上時未有所擬倉卒曰我已用王  
鴻上以嫌隙既成將致大禍十七年乃以劉湛又誅斌及  
大將軍錄事參軍劉敬文并賊曹孔劭秀中兵邢懷明主  
簿孔胤秀丹楊丞孔文秀司空從事中郎司馬亮烏程令  
盛曇恭徒尚書庫部郎何默子餘姚令韓景之永興令顏  
遙之湛弟黃門郎素斌弟給事中溫於廣州王履廢於家  
青州刺史杜驥勒兵殿內以備非常義康時入宿留止中  
書省遣人宣旨告以湛等罪義康上表遜位改授江州刺  
史出鎮豫章實幽之也停省十餘日桂陽侯義融新渝侯

義宗秘書監徐湛之往來慰視於心奉辭便下渚上唯對  
之慟哭遣沙門慧琳視之義康曰弟子有還理不琳公曰  
恨公不讀數百卷書征虜司馬蕭斌為義康所昵劉斌等  
讒之被斥乃以斌為詔議領豫章太守事無大小皆委之  
司徒主簿謝綜素為義康所狎以為記室左右愛念者竝  
聽隨從至豫章薛州見許資奉優厚朝廷大事皆報示之  
義康未敗時東府聽事前井水忽涌野雉江鷗竝入所住  
齋前龍驤參軍巴東令扶育上表申明義康奏即收付建  
康賜死會稽長公主於兄弟為長帝所親敬上嘗就主宴  
集甚歡主起再拜頓首悲不自勝上不曉其意起自扶之

主曰車子歲暮必不見容特乞其命因慟哭上亦流涕指  
蔣山曰必無此慮若違今誓便是負初寧陵即封所飲酒  
賜義康曰會稽姊飲憶弟所飲餘今封送車子義康小字  
也二十二年太子詹事范曄等謀反事連義康詔特宥大  
辟并子女竝免為庶人絕屬籍徙安成郡義康在安成讀  
漢書見淮南厲王長事廢書歎曰前代乃有此我得罪為  
宜也二十四年豫章胡誕世前吳平令表暉等謀奉戴義  
康太尉江夏王義恭奏徙義康廣州奏可未行會魏軍至  
瓜步天下擾動上慮有異志者奉義康為亂孝武時鎮彭  
城及尚書左僕射何尚之竝言宜早為之所二十八年正

月遣中書舍人嚴贖持藥賜死義康不肯服藥曰佛教自  
殺不復人身乃以被掩殺之以俟禮葬安成郡子允元凶  
殺之孝武大明四年義康女王秀等乞反葬舊塋詔聽之  
江夏文獻王義恭幼而明疑姿顏端麗武帝特所鍾愛帝  
性儉諸子飲食不過五醖盤義恭求須果食日中無筭得  
未嘗噉悉以與傍人諸王未嘗敢求亦不得元嘉六年  
為都督荊州刺史義恭涉獵文義而驕奢不節及出番文  
帝與書誡之曰禮賢下士聖人垂訓驕侈矜尚先哲所去  
豁達大度漢祖之德猜忌褊急魏武之累漢書稱衛青云  
大將軍遇士大夫以禮與小人有恩西門安于矯性齊美

關羽張飛任偏同弊行已舉事深宜鑒此汝一月日自用不可過三十萬若能省此益美西楚般曠常宜早起接對賓侶園池堂觀計無須改作凡訖獄前一二日可取訖簿密與劉湛輩粗共詳論慎無以喜怒加人能擇善者從之美自歸已不可專意自決以矜獨斷之明也刑獄不可壅滯一月可再訖凡事皆應慎密名器深宜慎惜不可妄以假人聲樂嬉游不宜令過宜數引見佐史非惟臣主自應相見不數則彼我不親不親無因得盡人人不盡何由具知衆事九年為南充州刺史加都督鎮廣陵十六年進位司空明年彭城王義康有罪出蕃徵義恭為侍中都督揚

南徐兖三州司徒錄尚書重守太子人傳給班劍二十人置立領兵二十一年進太子領司徒義恭小心具戒義康之矢雖為摠錄奉行書而已文帝安之年給相府錢二千萬佗物稱此而義恭亦嘗用常不足文帝又別給錢年至千萬時有獻五百里馬者以賜義恭二十七年文帝欲有事河洛義恭摠兵群帥出鎮彭城及魏軍至瓜步義恭與孝武閉城自守之魏軍深入上慮義恭不能固彭城備加誠勸義恭荅曰臣雖未能臨瀚海濟居延庶免劉仲奔逃之恥及魏軍至義恭果欲走賴衆議得停降號驃騎將軍開府儀同三司魯郡孔子舊廟有柏樹二十四株歷漢



晉其大連抱有二株先倒折土人崇敬莫之敢犯義恭乘  
遣伐取父老莫不歎息又以本官領南兗州刺史加都督  
移鎮盱眙修館宇擬東城二十九年冬還朝上以御所乘  
蒼蠻船上迎之遭太妃憂改授大將軍南徐州刺史還鎮  
東府元凶肆逆其日劾急召義恭先是詔召太子及諸王  
慮有詐妄致害者召皆有人至是義恭求常所遣傳詔劾  
遣之而後入義恭凡府內兵仗竝送還臺進位大保孝武  
入討劾疑義恭異志使入尚書下省分諸子竝神獸門外  
侍中下省孝武前鋒至新亭劾挾義恭出戰故不得自拔  
戰敗義恭單馬南奔劾大怒遣始興王濬殺義恭十二子

義恭既至勸孝武即位授大尉錄尚書六條事假黃鉞事  
寧進位太傅領大司馬增班劍為三十人以在蕃所服玉  
環大綬賜之上不欲致禮太傅諷有司奏天子不應加拜  
從之及立太子東宮文案使先經義恭及南郡王義宣等  
反又加黃鉞白直百人入六門事平以減質七百里馬賜  
義恭孝武以義宣亂逆由是彊盛欲削王侯義恭希旨請  
省鈔尚書上從之又與驃騎大將軍竟陵王誕奏陳貶損  
之格九條詔外詳議於是有司奏九條之格猶有未盡更  
加討益凡二十四條大抵聽事不得南面坐施帳國官正  
冬不得跣登國殿公主妃傳令不得朱服輿不得重柶郭

扇不得雉尾劍不得鹿盧形槩眊不得孔雀白氅夾轂隊  
不得絳襖平乘但馬不得過二匹胡伎不得絳衣舞伎正  
冬著柱衣不得莊面諸妃主不得著緹帶信幡非臺省官  
悉用絳郡縣內史相及封內長官於其封君罷宮則不復  
追敬不稱臣諸鎮常行車前不得過六隊刀不得過銀銅  
飾諸王女封縣主諸王子孫襲封王之妃及封侯者夫人  
行並不得鹵簿諸王子繼體為王者婚葬吉凶悉依諸國  
公侯之禮不得同皇弟皇子車輿非輶車不得油幢平乘  
船皆下兩頭作露平形不得擬象龍舟詔可孝建二年為  
揚州刺史加入朝不趨贊拜不名劍履上殿固辭殊禮義

恭撰要記五卷起前漢訖晉太元表上之詔付秘閣時西  
陽王子尚有盛寵義恭解揚州以避之乃進位太宰領司  
徒義恭常慮為孝武所疑及海陵王休茂於襄陽為亂乃  
上表稱諸王貴重 應居邊有州不須置府其餘制度又  
多所減省時孝武嚴暴義恭慮不見容乃卑辭曲意附會  
皆有容儀每有祥瑞輒上賦頌大明元年有三脊茅生石  
頭西岸又勸封禪上甚悅及孝武崩遺詔義恭解尚書令  
加中書監柳元景領尚書令入住城內事無巨細悉關二  
公大事與沈慶之參決若有軍旅可為撫統尚書中事委  
顏師伯外監所統委丁玄謨前廢帝即位復錄尚書本官

如故尚書令柳元景即本號開府儀同三司領兵置佐一  
依舊準又增義恭班劍為四十人更申殊禮之命固辭殊  
禮義恭性嗜不恒與時移變自始至終屢遷第宅與人游  
款意好亦多不終奢侈無度不受財寶左右親幸一日乞  
與或至一二百萬小有忤意輒追奪之大明時資供豐厚  
而用常不足賒市百姓物無錢可還民有通辭求錢者輒  
題後作原字善騎馬解音律游行或二三百里孝武恣其  
所之東至吳郡登虎丘山又登無錫縣烏山以望太湖大  
明中撰國史孝武自為義恭作傳及永光中雖任宰輔而  
承事近臣戴法興等常若不及前廢帝狂悖無道義恭元

景謀欲廢立廢帝率羽林兵於第害之并四子斷析義恭  
及體分裂腹曾挑取眼睛以蜜漬之以為鬼目綜明帝定  
亂令書追崇侍中都督中外諸軍丞相領太尉中書監錄  
尚書事王如故給九旒鸞輅虎賁班劍百人前後部羽葆  
鼓吹輜輳車赤纒三年又詔陪祭廟庭

南郡王義宣生而舌澀於言論元嘉元年封竟陵王都督  
南兖州刺史遷中書監中軍將軍給鼓吹時竟陵群蠻充  
斥役刻民散改封南譙王十三年出為江州刺史加都督  
初武帝以荊州上流形勝地廣兵彊遺詔諸子次第居之  
謝晦平後以授彭城王義康義康入相次江夏王義恭又

以臨川王義慶宗室令望且臨川列武王有大功於社稷  
義慶又居之其後應在義宣上以義宣人才素短不堪居  
一流十二年以衡陽王義季代義慶而以義宣為南徐州  
刺史而會稽公主每以為言上遲回久之二十一年乃以  
義宣都督七州諸軍車騎將軍荊州刺史先賜中詔曰  
師護以在西父比表求還出內左右自是經國常理亦何  
必其應於一往今欲聽許以汝代之護雖無殊績潔已節  
用通懷期物不忍羣下此信未易在彼已有次第為士庶  
所安論者乃謂未議遷之今之回換更在欲為汝耳汝與  
護年時一輩各有其美方物之義亦互有少劣若今向事

脫一減之者既於西夏交有巨礙遷代之譏必歸責於吾  
矣師護義季小字也義宣至鎮勤自課厲政事脩理白晷  
美須眉長七尺五寸腰帶十圍多妾媵媵後房千餘居媪  
數百男女三十人宗飾綺麗費用殷廣進位司空改侍中  
二十七年魏軍南侵義宣慮寇至欲奔上明及魏軍退文  
帝詔之曰善脩民務不須營潛逃計也遷司徒揚州刺史  
侍中如故元凶殺立以義宣為中書監太尉領司徒義宣  
聞之即時起兵徵聚甲卒傳檄近遠會孝武入討義宣遣  
參軍徐遺寶率衆三千助為先鋒孝武即位以義宣為中  
書監都督揚豫二州丞相錄尚書六條事揚州刺史加羽

葆鼓吹給班劍四十人改封南郡王追謚義宣所生為獻  
太妃封次子宜陽侯愷為南譙王義宣固辭內任及愷王  
爵於是改授都督八州諸軍事荆湘二州刺史持節侍中  
丞相如故降愷為宜陽縣王將佐以下竝加賞秩義宣在  
鎮十年兵彊財富既首創大義威名著天下凡所求欲無  
不必從朝廷所下制度意不同者一不遵承嘗孝武先自  
酌飲封送所餘其不識大體如此初臧質陰有異志以義  
宣凡弱易可傾移欲假手為亂以成其姦自襄陽往江陵  
見義宣便盡禮及至江州每密信說義宣以為有大才負  
大功挾震主之威自古諺有金者宜在人前早有金者

爾一旦受禍悔無所及義宣陰納質言而孝武聞庭無禮  
與義宣諸女淫亂義宣因此發怒密治舟甲剋孝建元年  
秋冬舉兵報豫州刺史魯爽兖州刺史徐遺寶使同爽狂  
酒失旨其年正月便反遣府戶曹送版以義宣補天子并  
逆天子羽儀遺寶亦勒兵向彭城義宣及質狼狽起兵二  
月加都督中外諸軍事置左右長史司馬使僚佐悉稱名  
遣傳奉表以姦臣交亂圖傾宗社輒徵召甲卒戮此凶醜  
詔荅之大傳江夏王義恭又與義宣書諭以禍福義宣移  
檄諸州郡遣參軍劉謏之手周之等率軍下就臧質雍州  
刺史朱脩之起兵奉順義宣率衆十萬發自江津舳舻數

百里是日大風船垂覆沒僅得入中夏口以第八子怡為  
輔國將軍留鎮江陵遣魯秀朱曇韶萬餘人北討朱脩之  
秀初至江陵見義宣既出拊膺曰阿兄誤人事乃與癡人  
共作城今年敗矣義宣至尋陽與質俱下質為前鋒至鵠  
頭聞徐道寶敗魯爽於小岷投首相視失色孝武使鎮北  
大將軍沈慶之送爽首於義宣并與書義宣質竝駭懼上  
先遣豫州刺史王玄謨舟師頓梁山洲內東西兩岸為却  
月城營柵甚固撫軍柳元景據姑熟為大統偏師鄭琨武  
念戍南浦質徑入梁山去玄謨一里許結營義宣屯蕪湖  
五月十九日西南風猛質乘風順流攻玄謨西壘冗從僕  
射胡子友等戰失利棄壘度就玄謨質又遣將龐法起數  
千兵趣南浦仍使自後掩玄謨與琨念相遇法起戰大敗  
赴水死略盡義宣至梁山質上出軍東山攻玄謨玄謨分  
遣游擊將軍垣護之竟陵太守薛安都等出壘奮擊大敗  
質軍軍人一時投水護之等因風縱火焚其舟乘風勢猛  
盛煙烟江義宣時屯西岸延火燒營殆盡諸將乘風火  
之勢縱兵攻之衆一時奔潰義宣與質相失各單舸迸走  
東人士庶竝歸順西人與義宣相隨者舩舸猶有百餘女  
先適臧質子過尋陽入城取女載以西奔至江夏聞巴陵  
有軍被抄斷回入逕口步向江陵衆散且盡左右唯有十

許人脚痛不復能行就民就露車自載無復食緣道求告至江陵郭外竺超人具羽儀迎之時帶甲尚萬餘人義宣既入城仍出聽<sub>于</sub>見客左右翟靈寶誠使撫慰眾賓以臧質違指授之宜用致失利今治兵繕甲更為後圖昔漢高百敗終成大業而義宣誤云項羽千敗眾咸掩口而笑魯秀竺超人等猶為之爪牙欲收合餘燼更圖一決而義宣悞<sub>每</sub>復神守入內不復出左右腹心相率奔叛魯秀北走義宣不<sub>亦</sub>自立欲隨秀去乃於內戎服盛糧糗帶背刀<sub>性</sub>息惰及所愛妾五人皆著男子服相隨城內擾亂白刃<sub>上</sub>橫義宣大懼落馬仍便步地超人送城外更以馬與之

超人還守城義宣翼及秀望諸將送北入魏既失秀<sub>未</sub>出郭將士逃盡唯餘惰及五妾兩黃門而已夜還向<sub>入</sub>南郡空廨無牀席地至旦遣黃門報超人超人遣故<sub>一</sub>乘載送刺姦義宣止獄尸坐地歎曰臧質老奴誤我<sub>與</sub>五妾俱入獄五妾尋被遣出義宣號泣語獄吏曰常日<sub>非</sub>苦今日分別始是苦大司馬江夏王義恭諸公王入坐<sub>與</sub>荊州刺史朱脩之書言義宣反道叛恩便宜專行大<sub>書</sub>未達脩之已至江陵於獄盡之孝武臨<sub>葬</sub>舊墓長子<sub>恢</sub>年十一拜南譙王世子晉氏過江不<sub>守</sub>門校尉及衛尉官孝武欲重城禁故復置衛尉卿以<sub>守</sub>侍中領衛尉

衛尉之置自恢始也義宣反錄付廷尉自殺恢弟愷字景  
穆生而養於宮中寵均皇子十歲封宜陽侯老武時進為  
王義宣反問至愷於尚書寺內著婦人衣乘問訊車投臨  
汝公孟詵詡於妻室內為地窟藏之事覺詵詠其餘竝  
為脩之所殺

衛陽文王義季幼而夷簡無鄙近之累文帝為荊州武帝  
使隨往由是特為文帝所愛元嘉元年封衛陽王十六年  
代臨川王義慶為都督荊州刺史先是義慶在任遇巴蜀  
擾亂師旅應接府庫空虛義季高財節用數年還復充實  
隊主續豐母老家貧無以充養遂不食肉義季哀其志給

豐母月米二斛錢一千并制豐啜皮義季素拙書上疏  
人書公事唯自署名而已嘗大蒐於郢有野老帶苦而耕  
命左右斥之老人擁耒對曰昔楚子盤游受譏今尹令陽  
和扇氣播厥之始一日不作人失其時大王馳騁為樂驅  
斥老夫非勸農之意義季止馬曰此賢者也命賜之食老  
人曰吁願大王均其賜也苟不奪人時則一時皆享王賜  
老人不偏其私矣斯飯也弗敢當問其名不言而退義季  
素嗜酒自彭城王義康廢後遂為長夜飲略少醒日文帝  
詰責曰此非唯傷事業亦自損性皆汝所請近長沙兄弟  
皆緣此致故將軍蘇徵耽酒成疾旦夕待盡一門無此酣



法汝於何得之義李雖奉旨酣縱不改成疾以至於終二十一年徵為征北大將軍開府儀同三司南兗州刺史加都督發州之日帷帳器服諸應隨刺史者悉留之荆楚以為美談二十二年遷徐州刺史明年魏攻邊北州擾動義季慮禍不欲以功勤自業無他經略唯飲酒而已文帝又詔責之二十四年薨於彭城太尉江夏王義恭表解職迎喪不許上遣東海王禕迎喪追贈司空傳國三孫齊受國除

論曰自古帝王之興雖係之于歷數至於經啓多難莫不藉親賢當於餘祿內侮荀桓交逼荆楚之誅同于絜刃

如使上略才盡一算或遺則得喪之機未可知也烈乎孽群才揚盛策一舉而埽勅寇蓋亦人謀之致乎長沙位列台鼎不受本根之寄跡其行事有以知武皇之則哲廬陟以帝子之重兼高明之姿孽跡未彰禍生忌克痛矣夫天倫猶子分形共氣親愛之道入理斯同富貴之情其義則舛善乎龐公之言比之周公管蔡若處茅屋之內宜無放殺之酷觀夫彭城南郡其然乎江夏地居愛子位當上相大明之世親禮冠朝屈體降身歸于卑下得使兩朝暴主永無猜色歷載踰十以尊威自保及在承光幼主南面公旦之重屬有所歸自謂踐冰之慮已除太山之安可

特曾未。幾而磔體分肌。古人以隱微致誠。斯為篤矣。謝  
陽晚存酒德。何先後之云。殊其將存覆車之鑒。不然何以  
致於是也。

列傳第三

南史十



